



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/  
durch den gantzen Körper des Menschens/ von dem  
Haupt biß auff die Füß**

**Ryff, Walther Hermann**

**Straßburg, Anno M.DC.XIV.**

Für das Podagram der Füß.

**urn:nbn:de:hbz:466:1-43769**

## Das Erste Buch.

ly

Welcher zerbrochen were in dem Leib / der trincke  
von Camander Kraut.

Rhabarbara ist gut den innerlichen Ghydern / die  
zerbrochen seind / vnd auch aufwendig an dem Leib  
von was sachen die kommen seind / darab gedruncken.

Helffenbein ist gut für alle zerbrochene Ghyder in  
den Leib / vnd sonderlich für den Bruch der Gemäch-  
te / wie die weren / es heilet die / darauff gemacht ein  
Pflaster / vnd darauff gelegt / des gleichen diß gedrun-  
cken / mit Wegerichsafft / es hulffe.

### Cap. xxviii. Für das Podagra- gram der Fuß.

**S**As Podagram zu vertreiben / Nimb breitten  
Wegerich / Zibischwurtzel / lange Solwurz /  
jeglichs gleich viel / vnd mische darunder Hon-  
ig / vnd leg das auff den gebresten / es sänfftet  
get / vnd mindert das wehethumb.

Aron gemischt mit Rühksaat / vnd darauff gemacht  
ein pflaster / ist gut denen / die das Podagram haben /  
darüber gebunden.

Scheißmilt gestossen / vñ gemischt mit Honig / ver-  
treibt das Podagram / darauff gelegt als ein pflaster.

Rosmarinwurtzel gesotten in Eßig / vnd die Fuß  
damit gewaschen / ist gut für das Podagram / vnd für  
die geschwulst daselbst.

Boberellen gessen / des Abends so man schlaffen wil  
gehen / drey oder vier vngefährlich / seind fast gut für  
das Podagram.

Rärbwasser gelegt auff den wehethumb der Fuß /  
denen / die da haben das Podagram / das da kommet  
von Sitz / thuts sänfftigen.

Die blumen vnd wurtzel von Wegwart gesotten /  
vnd über das Podagram gelegt / gleich einem pflaster /  
nimpt den wehethagen zuhand.

Nimb

## Von allerhand Arzney/

Nimb Safran / vnd mische den mit einem Eyers  
dotter / vnd mit Rosenöl / vnd mit Rosenwasser / vnd  
mit einer federen gestrichen auff die statt / da das Pod  
dagram ist / es hilfft.

Kürbs vber Mierh dienet fast wol dem Podagram.

Weiß Nieswurz gesotten mit Peterlin / vnd das  
Podagram damit gesalbet / benimpt das zuhandt.

Bonen gesotten in Wasser / vnd die zerstoßen / vnd  
darunder gemischet / Reinbergerschmilt / ist fast gut  
zu dem Podagram / die Füß damit geschmiltet.

Welcher Mensch Gemustasamen offt nützet / der be  
darff sich nicht besorgen vor dem Podagram.

Zeitlosen offt gebraucht / benimpt das Podagram  
zu handt.

Welcher das Podagram hat / der nemme Opium  
von Magsamen / vnd thu darzu Rosenöl / vnd be  
streich die Füß damit / es vertreibet es.

Poley frisch gelassen / vnd auff das Podagram ge  
legt / benimpt die Sucht.

Der Saft von Tag vnd Nacht / ist gut dem Podas  
gram / vermengt mit Geißschmalt vñ daruff gelegt.

Taubenfuß kraut gedruncken / benimpt das Podas  
gram.

Bertram gesotten in Wein vnd Baumöl / vnd das  
Podagram damit gesalbet / oder daruff geleget wie  
ein pflaster.

Ruben gesotten / vnd die bräh von den Ruben ge  
strichen auff das Podagram.

Nachtschattenkraut gestossen / vnd geleget auff das  
heiß Podagram / kület es / vnd nimpt ihm den schmerz  
hen.

Oleum Spicanardi / ist gut zu dem Podagram / dar  
mit gesalbet.

Turbith ein wurzel / die gebraucht mit ein wenig  
Zucker / vnd ein wenig Imber / ist zu dem Podagram  
gut.

Nesselne

Nesselwurtzel mit starckem Wein gesotten / ist gut für das Podagram / damit bestrichen.

Violenwurtzel gesotten in Wein / vnd auff das Podagram gelegt wie ein pflaster.

Taubenkropff kraut vermengt mit Wegdritt kraut vnd auff das Podagram gelegt / benumpt das wehe thumb.

S. Johans kraut vnd samen gepülvert / vnd mit Wein gedruncken / dienet fast wol für das Podagram.

### Für das Gegicht / Paralysis genandt.

Stabwurtz gestossen / vnd mit Wein gedruncken / behüt den Menschen vor dem Schlag. Auch ist es gut für dz Gegicht der Glyder / die grün darauff gelegt.

Elephanten lauß ist gut wider dz wehe der Glyder / das da würet als das Gesicht / mit Honig vbermengeset.

Chamedrenkraut gesotten in Wein / vnd auff die Glyder gelegt / da dz Gegicht in ligt / es ist gut darzu.

Springwurtz körner öl gebrauchet / ist gut wider dz Gegicht.

Zeitlosen seind gut gebrauchet / denen / die das Gegicht haben.

Schlüsselblumen kraut gesotten in Wein / vnd den gedruncken / ist gut für das Gegicht.

Wacholder öl ist gar gut für das Gegicht an dem Leib / damit geschmieret den Rückenmeißel / vnd hat manchem Mann geholffen.

Lorbeeröl ist gut denen die das Gegicht habē / damit geschmieret.

Gartenkress ist gut wider das Gegicht / den Samen in Wein gesotten / vnd in ein Sack gethan / vnd warm auff das Gegicht gelegt.

Engelsfuß gepülvert ein loht / vnd Fünfffingerkraut samen ein quintlin / vnd Zeitloßwurtzel ein halb quintlein / Zucker ein halb loht / vnd diß alles vermengt mit  
ein